



EUSKO LEGEBILTZARRA
PARLAMENTO VASCO

HORNIDURAK PROZEDURA NEGOZIATU BIDEZ KONTRATATZEKO ADMINISTRAZIO-KLAUSULA PARTIKULARREN PLEGUA

SUMARIOA

I. KONTRATUAREN XEDEA ETA GAI OROKORRAK

1. Kontratuaren xedea.
2. Arau erregulatzailerak.
3. Kontratuaren aurrekontua, kreditua egotea eta kontratuaren prezioa.
4. Prezioak berrikustea.
5. Horniduraren iraupena.
6. Prozedura eta esleitzeko modua.

II. JARRAITU BEHARREKO IZAPIDETZEA, PROPOSAMENAK AURKEZTEA ETA ESKATUTAKO DOKUMENTAZIOA

- 7.1. Eskakerak eta eskaintzak aurkezteari buruzko arau orokorrak.
- 7.2. Publizitaterik gabeko prozedura negoziatua eskaintza aurkezteko gonbita.
- 7.3. Iragarpen publikoa, hautagaiak eskatzea eta hautatzea eta publizitatea duen prozedura negoziatuan eskaintza aurkezteko gonbita.
- 7.4. Aurretiko publizitaterik gabeko negoziatuan eskaintzak aurkezteko epea eta modua.
- 7.5. Aurretiko publizitatea duen negoziatuan eskaintzak aurkezteko epea eta modua.
- 7.6. A gutun-azala: proposamen ekonomikoa edo eskaintza eta dokumentazio teknikoa.
- 7.7. B gutun-azala: administrazioari, gaitasunari eta kaudimenari buruzko dokumentazioa.
- 7.8. Dokumentazioa aurkezteari buruzko ohar argigarriak.
- 7.9. Eskaintako erduen azterketa eta dokumentazioa egiaztatzea.

III. JARDUKETEN AZTERKETA ETA NEGOZIAZIOA

- 8.1. Jarduketena azterketa eta gutun-azalak irekitzea.
- 8.2. Negoziazioa.

IV. KONTRATUAREN ENPRESA ESLEIPENDUNA HAUTATZEA

- 9.1. Kontratazio Mahaiaren Behin-behineko Esleipen Proposamena.
- 9.2. Esleipeneko lehentasunak
- 9.3. Zerbitzuaren Txostena hautapena justifikatuta





V. KONTRATUAREN ESLEIPENA

- 10. Kontratuaren Behin-behineko esleipena
- 11. Kontratuaren behin betiko esleipena

VI. KONTRATUA FORMALIZATZEA

- 12. Kontratua formalizatu aurretiko betebeharrak.
- 13. Kontratua formalizatzea.

VII. KONTRATUA BETEARAZTEA

- 14. Betejarazpenaren zuzendaritza eta ikuskapena.
- 15. Kontratuaren betejarazpenari buruzko arau orokorrak:
 - 15.1. Entregaren ordua eta lekua.
 - 15.2. Kontratuaren iraupena eta entrega-epeak.
 - 15.3. Ondasunak ordezteak.
 - 15.4. Jarraikako entregen zenbatekoa.
 - 15.5. Instalazioa.
 - 15.6. Ondasunak hartzea eta argibideak.
 - 15.7. Administrazioaren berandutza harreran.
 - 15.8. Entrega aurretiko galtzeak edo kalteak.
 - 15.9. Entrega, garraio eta instalazio gastuak.
 - 15.10. Konfidentzialtasuna.
- 16. Kontratistaren beste betebeharrak.
- 17. Saneamenduko betebeharrak fabrikazio-prozesuan.
- 18. Administrazioaren ahalmena.
- 19. Abonuak enpresa kontratistari.
- 20. Kontratua aldatzea eta etetea.
- 21. Kontratua lagatzea eta azpikontratazioa.

VIII. KONTRATUA AMAITZEA

- 22. Hornidura hartzea.
- 23. Berme-epea.
- 24. Kontratuaren likidazioa.
- 25. Kontratuaren amaiera.
- 26. Bermea itzultzea.
- 27. Epeak ez betetzea.

IX. ERREKURTSOAK, ADMINISTRAZIOAREN ESKUMENAK ETA JURISDIKZIO ESKUDUNA

- 28. Errekurtsuak. Kontratazioaren arloko errekurtsu berezia.
- 29. Eskumenak eta Jurisdikzio eskuduna.





I. KONTRATUAREN XEDEA ETA GAI OROKORRAK

1. KONTRATUAREN XEDEA

1.1. Kontratu honen xedea oinarri teknikoen pleguan jasotzen diren eta plegu honen karatularen 1. puntuan adierazten diren produktuak edo ondasunak erostea, eskuratzea eta, hala badagokio, instalatzea izango da.

1.2. Plegu honen karatularen 1.6 puntuan onartzen badira, lizitatzailleek puntu horretan adierazitako elementuei, baldintzei eta aurkezteko modalitatei erantzuten dieten aldaerak eskaini ahal izango dituzte, eta bertan azaldutako gehienezko kopuruan.

2. ARAU ERREGULATZAILEAK

2.1. Kontratua hauek zuzenduko dute:

- a) Plegu honetako klausulek, horren karatulako zehaztapenekin osatuta.
- b) Urriaren 30eko Sektore Publikoko Kontratuen 30/2007 Legeak.
- c) Urriaren 12ko 1098/2001 Errege Dekretuak onartzen duen Herri Administrazioen Kontratuen Legearen Erregelamendu Orokorrak (HAKLEO), SPKlan aurreikusitakoari aurre egiten ez badio.
- d) Azaroaren 26ko Herri Administrazioen Araubide Juridikoaren eta Administrazio Prozedura Erkidearen 30/1992 Legeak.
- e) Estatuan zein Euskadiko Autonomia Erkidegoan kontratazioa arautzen duten, eta horren esparruan aplikatzekoak diren beste edozein xedapenek.

2.2. Itundutakoaren betearazpenean aplikatzekoak izan daitezkeen kontratuaren edozein baldintza, horren dokumentu erantsiak, edo legebiltzar-administrazioak emandako edozein motatako argibideak, pleguak edo arauak ez ezagutzeak ez du enpresaburua horiek betetzeko betebeharretik salbuetsiko.

3. KONTRATUAREN AURREKONTUA, KREDITUA EGOTEA ETA KONTRATUAREN PREZIOA





3.1. Legebiltzar-administrazioak formulatutako aurrekontuaren zenbatekoa karatularen 10. puntuan agertzen dena da, hala badagokio, karatularen 11. puntuan aurreikusitako urte-saritan zatituta.

3.2. Kreditu zehatza dago Legebiltzar Administrazioarentzat kontratu honen betearazpenetik sor litezkeen betebeharrak ekonomikoei arreta emateko, eta horren aurrekontuko kontsignazioa plegu honen karatularen 11. puntuan agertzen dena da.

3.3. Kontratuaren prezioa bere esleipenaren ondoriozkoa izango da eta ezingo du Legebiltzar Administrazioak formulatutako aurrekontua gainditu.

4. PREZIOAK BERRIKUSTEA

4.1. Kontratuaren betearazpena enpresa kontratistaren ardurapean eta bere menturaz egingo da.

4.2. Haatik, prezioen berrikuspenari dagokionez, ondorengoei helduko zaie: plegu honen karatularen 16. puntuan kontsignatutakoari; karatularen 38. puntuan aurreikusitakoaren arabera hori negoziagarri edo ez izateko aukerari, eta hala badagokio, bi aldeen arteko itunei, indarrean den legerian ezarritakoa aintzat hartuta.

4.3. Kontratuak prezioak berrikustea aurreikusten ez baldin badu, inguruabar hori ez da aldatuko betearazpen-epaia luzatzeagatik, non eta luzapen hori Legebiltzar Administrazioari egoztekota den kausagatik sortu ez den, edo ezinbesteko kasuengatik –SPKLaren 214. artikuluan ezarrita daude horiek–.

4.4. Kontratuak prezioak berrikustea aurreikusten baldin badu, hori bere zenbatekoaren % 20 betearazi denean eta bere esleipenetik urtebete igaro denean baino ez da bidezkoa izango, eta beraz, ez % 20ko portzentajea, eta ez esleipenetik kontatzen hasita betearazpenaren lehen urtean, ezingo dira prezioak berrikusi.

5. HORNIDURAREN IRAUPENA

5.1. Kontratuaren betearazpenaren edo iraupenaren gehieneko epea plegu honen goiburua den karatularen 12. puntuan ezarriko da, eta horren 12.1 puntuan emango da betearazpenaren zatikako epeen berri.





5.2. Berriztagarria izan eta bere luzapena edo luzapenak plegu honen karatularen 13. puntuan aurreikusita dagoen/dauden kontratuak luzatu ahal izango dira; kasu horretan, kontratuaren iraupen osoak, luzapenak barne hartuta, ezingo du lau urteko epea gainditu, eta horiek ezingo dira itundu, bakarka zein batera, jatorrian finkatutakoa baino epe luzeagoan.

6. PROZEDURA ETA ESLEITZEKO MODUA

6.1. Kontratu honen esleipena SPKLaren 122. artikuluan aurreikusitako eta Lege beraren 153., 154., 157., 160., 161. eta 162. artikuluetan araututako prozedura negoziatuaren bidez burutuko da.

6.2. Eusko Legebiltzarreko Mahaiak prozedura negoziatua aplikatzea adostu ahal izango du SPKLaren 154. eta 157. artikuluetan jasotako inguruabarren bat gertatzen denean.

6.3. Eusko Legebiltzarreko Mahaiak aurretiko publizitatea duen prozedura negoziatua aplikatzea adostuko du SPKLaren 161. artikulua 1. eta 2. paragrafoetan aurreikusitako kasuetan, eta horren balio zenbatetsia 60.000 €tik gorakoa denean ere bai.

6.4. Eusko Legebiltzarreko Mahaiak Eusko Legebiltzarreko kontratazio-mahaiaren laguntza izango du, karatularen 2.1. puntuan horrela ezartzen baldin bada.

II. JARRAITU BEHARREKO IZAPIDETZEA, PROPOSAMENAK AURKEZTEA ETA ESKATUTAKO DOKUMENTAZIOA

7.1. ESKAERAK ETA ESKAINTZAK AURKEZTEARI BURUZKO ARAU OROKORRAK

Prozedura honetan ezingo dute parte hartu hala badagokio, kontratazio honen zehaztapen teknikoak lantzen parte hartu duten enpresek, non eta parte-hartze horrek lehia askeari murrizketak jartzen dizkion, edo gainerako enpresekiko tratu pribilegiatua ekartzen duen.





Karatularen 5. puntuak kontratuaren betearazpena enplegu babestuaren programen barruko Enplegu Zentro Bereziatarako uzten badu, langile gehienak, euren ondoezaren izaera edo larritasunagatik, lanbide-jarduera egoera normalean edo beste erreserba-kasu batzuetan ezin bete duten pertsona ezinduak direnean, erreserba hori betetzeko egoeran egotea egiaztatzen duenak baino ezingo du parte hartu.

Parte hartzeko eskaeraren aurkezpenak, eta hala badagokio, eskaintzarenak plegu honen klausulak, bere karatularen zehaztapenak, eta gainerako kontratutok dokumentuak baldintzarik gabe onartzea eskatzen du aurrez, osorik eta inolako salbuespenik gabe; eta aurkeztutako datu guztien zehaztasunaren eta horniduraren kontrataziorako eskatutako baldintza guzti-guztiak betetzen dituen ardurapeko aitortpena ere aurkeztu beharko da.

Interesdun bakoitzak ezingo du parte hartzeko eskaera bat, eta hala badagokio, eskaintza bat baino gehiago aurkeztu (karatulak kasuan kasu baimentzen dituen aldaerei kalterik egin gabe), ez bakarka, ez aldi baterako enpresa-elkarte bat baino gehiagoren kide gisa, eta bakarka egiten duenak ezingo du beste batzuekin aldi baterako elkartean sinatu. Arau hauek urratzeak horiek urratzen dituzten sinatutako eskaera eta eskaintza guztiak ez onartzea ekarriko du.

Eskaintza postaz igortzen bada, igorpenaren data Posta Bulegoan justifikatu beharko da, eta kontratazio-organoari, karatularen 33.1 puntuan adierazitako bideren baten bitartez, eskaintza postaz igorri izana jakinarazi beharko zaio. Bi egintza horiek, proposamena igortzea eta kontratazio-organoari jakinaraztea, iragarkian edo gonbitean adierazitako aurkezte-epearen data eta ordua amaitu aurretik egin beharko dira.

Bi baldintza horiek bete gabe, dokumentazioa ez da onartuko adierazitako aurkezte-epearen data eta ordua amaitu ondoren jasotzen bada. Adierazitako dataren ondoren hamar egun natural proposamena jaso gabe igaro ondoren, hori ez da inola ere onartuko.

7.2. PUBLIZITATERIK GABEKO PROZEDURA NEGOZIATUAN ESKAINTZA AURKEZTEKO GONBITA

Prozedurak aurrez publizitaterik ez badu (ikus karatularen 4. puntua), Eusko Legebiltzarreko Mahaiak egin beharko du enpresa ezinduentzat eskaintza aurkezteko gonbita, kontratuaren xedea betetzeko. Ahal den guztietan, hiru eskaintza eskatuko





dira gutxienez. Eskaintza aurkezteko gonbita, hori jasotzea eta horri erantzutea espedientean jasota geratuko dira.

Oraingoz, eta ahal bada, eskaintza aurkezteko gonbita otsailaren 3ko Kontratisten Erregistro Ofizialari eta sailkapenaren ezarpenari buruzko 12/1998 Dekretuak araututako Kontratisten Erregistro Ofizialean izena ematea eskatu eta lortu duten hiru enpresarekin egin beharko da gutxienez.

7.3. IRAGARPEN PUBLIKOA, HAUTAGAIAK ESKATZEA ETA HAUTATZEA ETA AURRETIKO PUBLIZITATEA DUEN PROZEDURA NEGOZIATUAN ESKAINTZA AURKEZTEKO GONBITA

Plegu honen 4. puntuak prozedura honek aurretiko publizitatea duela adierazten badu, SPKLaren 126. artikuluan aurreikusitako moduan argitaratuko da lizitazioaren iragarkia.

Aurretiko publizitatea duen prozedura negoziatu batean parte hartzea eskatzeko, hautagaiak, plegu honen 33. puntuan adierazitako epearen barruan eta bulegoetan, «B» GUTUN-AZALA izeneko gutun-azal bat aurkeztu beharko du, bertan zer kontratutan lehiatu nahi den, lotea edo loteak, hala badagokio, enpresaren izena, eskaera sinatzen duenaren izen-deiturak eta zer izaerarekin egiten duen, helbidea, telefono-zenbakia, fax-zenbakia eta posta elektronikoaren helbidea adierazita, hori guztia modu irakurgarrian. Gutun-azalak itxita egon beharko du derrigor, eta eskaera sinatzen duenak sinatuta. Eskaera aldi baterako enpresa-elkarte gisa egitekotan, enpresa guztiek sinatuko dute gutun-azala.

B gutun-azalean sartu behar den dokumentazioa plegu honen 7.7 klausulan aipatutakoa, karatularen 35.4 puntuan adierazitakoa, eta I. eranskinean dagoen ereduaren arabera egindako parte hartzeko eskaera bat dira.

Hautagaiak hautatzea. Legebiltzar Administrazioak «B» gutun-azalaren edukia aztertuko du aurrez, eta garaiz eta forman aurkeztutako dokumentuak kalifikatuko ditu.

Aurkeztutako dokumentazioan zuzentzeko akatsak edo ez-egiteak aurkituko balira, ahoz adieraziko litzaieke hori egin dutenei, eta gehienez hiru egun balioduneko epea eskainiko litzaieke horiek zuzentzeko.

Dokumentazioa kalifikatu eta, hala badagokio, akatsak edo ez-egiteak zuzendu ondoren, karatularen 34. puntuan finkatutako kaudimen-baldintzak betetzen dituzten enpresak zehazteari ekingo zaio.





Horren ondotik, Legebiltzar Administrazioak, karatularen 35. puntuan ezarritako irizpide objektiboari jarraiki, eskaintza aurkeztera gonbidatuko diren onartutako hautagaiak hautatuko ditu, eta hautatuak, aldi berean eta gutunez edo ofizioz, edo telegramaz, telexez edo telekopiaz, euren proposamenak gonbitean bertan adieraziko den epearen barruan aurkeztera gonbidatuko ditu. Proposamenak edo eskaintzak («A» gutun-azala) plegu honen 7.6 puntuan zehazten den dokumentazioa edukiko du. Gonbitaren idatzian proposamen ekonomikoaren hasiera publikoaren data eta ordua, eta HAKLEOaren 92. artikuluan adierazitako gainerako baldintzak adieraziko dira.

Nolanahi ere, Legebiltzar Administrazioak ez ditu gonbidatuko plegu honen 7.7 klausulak eta bere karatularen 34. puntuak aipatzen duten gaitasuneko eta kaudimeneko baldintzak betetzen ez dituzten hautagaiak, edo administrazio-klausula partikularren plegu honen karatularen 35. puntuan zehaztutako hautapen-irizpideren bat betetzen ez dituztenak.

7.4. AURRETIKO PUBLIZITATERIK GABEKO NEGOZIATUAN ESKAINTZAK AURKEZTEKO EPEA ETA MODUA

Aurretiko publizitaterik gabeko prozedura negoziatuan, Eusko Legebiltzarraren Mahaiak gonbidatutako enpresek, plegu honen karatularen 33. puntuan adierazitako epearen barruan eta bulegoetan, proposamen ekonomikoari eta dokumentazio teknikoari buruzko «A» gutun-azala aurkeztu beharko du; eta karatularen 33.2 puntuan horrela ezartzen bada, A gutun-azalarekin batera administrazioari, gaitasunari eta kaudimenari buruzko dokumentazioari buruzko B gutun-azala aurkeztuko da. Karatularen 36.3 puntuak balioespen-fase ezberdinak aurreikusten baditu, gutun-azalen kopurua handiagoa izango da, plegu honen 7.6.5 klausulak xedatzen duenaren arabera.

Gutun-azal bakoitzak ondoren adieraziko den dokumentazioa edukiko du, eta bertan adieraziko da zer kontratatutako lehiazten den, lotea edo loteak, hala badagokio, enpresaren izena, eskaera sinatzen duenaren izen-deiturak eta zer izaerarekin egiten duen, helbidea, telefono-zenbakia, fax-zenbakia eta posta elektronikoaren helbidea, hori guztia modu irakurgarrian. Gutun-azalek itxita egon beharko dute derrigor, eta lizitatzen duenak edo ordezkatzeko duen pertsonak sinatuta. Zenbait enpresak aldi baterako enpresa-elkarte gisa lizitatzekotan, horiek guztiek sinatuko dute gutun-azala.

Karatularen 33.2 puntu horrek gaitasunari eta eskaintzari buruzko gutun-azalak aldi berean aurkeztea aurreikusten ez badu, kontratazio-organismoak eskatzen duen unean aurkeztuko da B gutun-azala.





7.5. AURRETIKO PUBLIZITATEA DUEN NEGOZIATUAN ESKAINTZAK AURKEZTEKO EPEA ETA MODUA

Aurretiko publizitatea duen prozedura negoziatu batean parte hartzea eskatzera gonbidatuek, plegu honen karatularen 33. puntuan adierazitako epearen barruan eta bulegoetan, «A» GUTUN-AZALA izeneko gutun-azal itxi bat aurkeztu beharko dute gero adieraziko den dokumentazioarekin, bertan zer kontratutan lehiatzen den, lotea edo loteak, hala badagokio, enpresaren izena, proposamena sinatzen duenaren izen-deiturak eta zer izaerarekin egiten duen, helbidea, telefono-zenbakia, fax-zenbakia eta posta elektronikoaren helbidea adierazita, hori guztia modu irakurgarrian. Gutun-azalak itxita egon beharko du derrigor, eta lizitatzen duenak edo ordezkatzeko duen pertsonak sinatuta. Zenbait enpresak aldi baterako enpresa-elkarte gisa lizitatzekotan, horiek guztiek sinatuko dute gutun-azala.

7.6. «A» GUTUN-AZALA: PROPOSAMEN EKONOMIKOA EDO ESKAINTZA ETA DOKUMENTAZIO TEKNIKOA

Orri bereizian gutun-azalaren edukia zerrenda bat edukiko du, zenbakiz enuntziatuta; eta gainera, ondorengo dokumentuak:

7.6.1. Proposamen ekonomikoa: Enpresak edo ordezkatzeko duen pertsonak sinatutako proposamen ekonomikoa bakarrik aurkeztuko da (aldi baterako enpresa-elkarte gisa aurkeztekoan, eskaintza aldi baterako elkartearen aurkeztu duten enpresa guztien ordezkariak sinatu beharko dute), II. eranskinean agertzen den ereduaren arabera idatzita, eskaintako prezioaren kontzeptu guztiak barne hartuz, Balio Ezarriaren gaineko Zerga (BEZ) eta eragiketa karga dezakeen beste edozein zerga edo gastu, garraio-kostuak, entrega-kostuak, eta hala badagokio, ondasunen eta kontratistaren industria-mozkinen entrega eta harrerarainoko eragiketari egotzen zaizkion mota guztietako instalazioak, aseguruak, muga-zergak, lizentziak eta baimenak barne.

Pleguaren karatularen 1.6 puntuak aldaerak aurkeztea baimentzen duenean, Legebiltzar Administrazioak onartutako oinarriko xedeari buruzko proposamen ekonomikoa gain, gutun-azal horrek eskaintza egiten duenak egiten duen aldaera bakoitzeko proposamen ekonomikoa bat eduki ahal izango du. Aldaera bakoitzari dagokion proposamen ekonomikoa, halaber, II. eranskinean agertzen den ereduaren arabera idatziko da, eta aurreko paragrafoan adierazitako kontzeptuak eta baldintzak edukiko ditu.





Prezio unitarioak eta beste zerrenda batzuk. Proposamen ekonomikoaren eredian eta erantsitako eranskinean horrela ezartzen bada, ondasunen prezio unitarioen zerrenda sartu beharko da, edo eranskin horrek kasu bakoitzean eskatzen duen zerrenda.

7.6.2. Karatularen 18.1 puntuan horrela eskatzen denean, lizitatuzaileak kontratuaren aurrekontuaren % 3tik gorakoa eta beherakoa izan daitekeen behin-behineko bermea aitzinatu beharko du, eta ondoren adieraziko den moduan eratu beharko da:

Bermea esku-diruz edo Zor Publikoaren baloreez eratu ahal izango da.

Behar bezala baimendutako Banku, Aurrezki Kutxa, Kreditu Kooperatiba, Kreditu Erakunde Finantzario eta Elkarren Bermerako Sozietate batek mailegatutako abal bidez edo Espainian kauzio-arloan jarduteko aseguru-erakunde baimendu batekin egindako kauzio-aseguruaren kontratu bidez ere eratu daiteke bermea.

Esku-dirua, tituluak, ziurtagiriak, abala edo kauzio-aseguruaren kontratuaren poliza Eusko Legebiltzarreko Kontuhartzailera Nagusian utziko dira.

Ez da eskatuko bermea Kontuhartzailera uztea hori abal gisa edo kauzio-aseguruaren kontratu bidez eratuta badago; kasu horretan, Eusko Legebiltzarren Mahaiaren aurrean eratuko da.

Behin-behineko bermearen ordez, Eusko Legebiltzarreko Kontuhartzailera Nagusiak luzatutako berme globala egotearen, horren nahikotasunaren, eta eratu beharreko bermearen zenbatekoa ibilgizaren ziurtagiria jarri ahal izango da.

Aldi baterako enpresa-elkarteen kasuan, behin-behineko bermea elkartean parte hartzen duten enpresa batek edo gehiagok eratu ahal izango dute, beti ere elkarrekin plegu honen karatularen 18.1 puntuan eskatutako zenbatekora iristen bada, eta aldi baterako elkarte osatzen duten enpresa guztiak elkartasunez bermatzen badira.

7.6.3. Ondasunen deskribapen tekniko argi eta zehatza, beti ere marka, mota eta modeloa zehaztuta.

Eskaintza hobeto ulertzeko, lehen aipatutako deskribapenak plano deskribatzaileak, eskemak eta beste edozein informazio argigarri hartu ahal izango ditu barne. Eskaintako ekipamendu eta material bakoitzari dagozkion eskuliburuak kontsultako material lagungarritzat hartuko dira eragin horretarako.





7.6.4. Karatularen 37. puntuak eskatzen badu, hala badagokio, karatularen 35.2 puntuan ezarritako esleipen-irizpideak balioeste alderako dokumentuak sartu beharko dira.

Aipatutako 35.2 puntuan ezarritako esleipen-irizpideen artean «beste esleipen-irizpide batzuetan barne hartu gabeko agindutako betebeharrei buruzko prestazio gehigarriez osatutako beste hobekuntza batzuk» kontzeptua badago, ondorengo hartuko da kontuan:

Aipatutako hobekuntzek ez dute kontratuaren prezioa igoko, III. eranskinaren ereduaren arabera eskainiko dira, eta kontratuaren zati izango dira Administrazioak espresuki onartzen baditu.

Hobekuntza horiek, kontzeptuaren enuntziatuan jasotako ezaugarriekin, libreki eskaini ahal izango dira, karatularen 37.1 puntuak muga eta baldintza zehatzak ezartzen ez baditu; kasu horretan, horiek errespetatzen ez dituzten hobekuntzak ez dira aintzat hartuko.

Nolanahi ere, eskainitako hobekuntza bakoitza independentetzat hartzen da, eta kontratazio-organoak horietako bat, zenbait edo batere ez sartu ahal izango du kontratuaren barruan.

7.6.5. Karatularen 36.3 puntuak esleipen-irizpideen balioespen-fase ezberdinak aurreikusten baditu, A gutun-azalean oinarritzko proposamen ekonomikoa baino ez da sartuko, eta hala badagokio, aldaerei dagozkienak. Gainera, ezarri diren balioespen-fase adina gutun-azal aurkeztuko dira (preziari buruzkoa izan ezik). Horietako bakoitzean balioespen-fase bati dagokion dokumentazioa sartuko da. Gutun-azal bakoitzak dagokion balioespen-fasearen identifikatuko du, karatularen 36.3 puntuan esleitutako balioespen-fasearen zenbakia eta plegu honen 7.4 eta 7.5 klausuletan zehazten diren gainerako datuak aipatuz.

7.6.6. Karatularen 1.6 puntuan baimentzen denean, aldaerak aurkeztu nahi dituztenek, proposamen ekonomikoarekin batera, aurkeztutako aldaerei buruzko dokumentuak sartu beharko dituzte gutun-azal horretan.

7.6.7. Beharrezkotzat joz gero, enpresak, sekretu tekniko edo komertzialekin lotuta egoteagatik, gutun-azal horretan barne hartutako isilpekotzat jotzen dituen eskaintzaren informazioak eta alderdiak adierazi ahal izango ditu, VI. eranskinen barne hartutako ereduaren arabera. Egindako proposamen ekonomikoak inola ere ez du izaera hori izango.





7.7. «B» GUTUN-AZALA: ADMINISTRAZIOARI, GAITASUNARI ETA KAUDIMENARI BURUZKO DOKUMENTAZIOA

Aurretiko publizitatea duen prozedura negoziatuari buruz plegu honen 7.3 klausularen hirugarren paragrafoan adierazitakoari kalterik egin gabe, prozedura negoziatuen B gutun-azalak ondorengo dokumentuak edukiko ditu, eta horiekin batera, orri berezian, horren edukiaren zerrenda bat erantsiko da, zenbakiz enuntziatuta:

7.7.1. Proposamena bere izenean edo ahaldun gisa aurkezten duen pertsonaren Nortasun Agiri Nazionala.

7.7.2. Proposamengilea pertsona juridiko bat denean, Merkataritza Erregistroan inskribatutako eratzeko eta aldatzeko eskritura, hala badagokio, baldintza hori, aplikatzekoa zaion merkataritza-legeriaren arabera, galdagarria balitz. Izango ez balitz, bere jardura arautzen duten arauak jasota dauden eratzeko eta aldatzeko eskritura edo dokumentua, estatutuak edo sortze-egintza, dagokion Erregistro Ofizialean behar bezala inskribatuta.

Enpresaburuek, hala badagokio, kontratuaren xedea den jardura edo prestazioa burutzeko eskatzekoa den enpresa- edo lanbide-gaikuntza egiaztatu beharko dute.

7.7.3. Bere izenean jarduten ez duenean edo sozietate edo pertsona juridikoa denean, lehiatzen den sozietatea edo erakundea ordezkatzeko ahalorde askietsia. Ahalorde horrek behar bezala inskribatuta egon beharko du, hala badagokio, Merkataritza Erregistroan. Haatik, ekitaldi zehatz baterako ahalordea bada, ez da beharrezkoa izango Merkataritza Erregistroan inskribatzea, Merkataritza Erregistroaren Erregelamenduaren 94.1 artikuluan xedatutakoari jarraiki.

7.7.4. SPKLaren 49. artikuluen 1. eta 2. zenbakietan ezarritako kontratatzeko inolako debekutan hutsik egin ez izanaren egiaztagiria, kontratu zehatzaren erreferentzia berariaz aipatzen duena. Egiaztagiri hori lekukotza judizial edo administrazio-ziurtagiri bidez egin ahal izango da kasuen arabera, eta agintaritza eskudunak dokumentu hori ezin luzatu duenean, administrazio-agintaritza, notario publiko edo lanbide-erakunde kualifikatu baten aurrean emandako ardurapeko aitorten batekin (V. eranskina) ordezkatu ahal izango da.

Ardurapeko aitortenak espresuki jasoko du indarrean diren xedapenek ezarritako zerga-betebeharrak eta Gizarte Segurantzakoak egunean dituela. Horri kalterik egin gabe, behin-behineko esleipenaren aurretik, kontratuaren esleipendun



izango den enpresari zerga-betebeharrak eta Gizarte Segurantzakoak HAKLEOaren 15. artikulua aurreikusitako moduan egunean izatearen egiaztagiria eskatuko zaio, eta horretarako hamabost egun baliioduneko epea emango zaio.

7.7.5. Otsailaren 3ko Kontratisten Erregistro Ofizialari eta sailkapenaren ezarpenari buruzko 12/1998 Dekretuak araututako Kontratisten Erregistro Ofizialean kontratatze gaitasuna egiaztatze prozedura baten bidez inskribatuta dauden enpresek Erregistroko Abokatu arduradunak luzatutako indarreko ziurtagiriaren kopia baino ez dute aurkeztu beharko. Horrela, 7.7.1, 7.7.2, 7.7.3 eta 7.7.4 klausuletan adierazitako dokumentuak eta inguruabarrak aurkeztetik eta egiaztatzetik salbuetsita egongo dira.

Kontratisten Erregistro Ofizialeko ziurtagiriak ez du salbuesten 7.7.7 klausulan aurreikusitako dokumentuak aurkeztetik, eta 7.7.6 klausulak aipatzen duen Jarduera Ekonomikoen Zergaren matrikulan baja hartu ez izanaren ardurapeko aitortzetik, hori beti aurkeztu beharko baita.

Estatuko Lizitatzailerik eta Enpresen Erregistro Ofizialeko inskripzioari aurreko paragrafoetan kontuan hartutako baliozkotasun eta eragin berberak emango zaizkio.

7.7.6. Uneko ekitaldiaren alta, edo kontratuaren xedeari dagokion epigrafeko Jarduera Ekonomikoen Zergaren azken ordainagiria, beti ere enpresak zerga horri lotutako jarduerak burutzen baditu, edo aurkezpenaren datan burutzen ari den jarduerari lotutakoak, burutzen dituen lurralde-esparruan horiek burutzeko gaitzen duena. Altaz edo azken ordainagiriaren gain, aipatutako zergaren matrikulan baja hartu ez izanaren ardurapeko aitortzea aurkeztuko da.

7.7.7. Kaudimen-baldintzen egiaztagiria, edo horrekin aurkeztu behar den dokumentazioa:

- a) Kaudimen ekonomiko eta finantzarioaren eta kaudimen teknikoaren baldintzak bete dituela egiaztatzen duen dokumentazioa gaineratuko da, plegu honen karatularen 34.1 puntuan xedatzen denari jarraiki.
- b) Karatularen 34.2 puntuak aipatzen duen IV. eranskinak SPKLaren 53. artikulua bigarren paragrafoan aurreikusitako baliabide pertsonal edo materialen atxikipen-konpromisoa eskatzen badu, gutxienez IV. eranskinean zerrendatzen diren baliabide pertsonal eta materialak daukan atxikipen-konpromisoa sinatuta aurkeztu beharko du lizitatzailerik.





c) 9.3 klausulan aurreikusitako esleipen-lehentasunak aplikatzeko eta egiaztatzeko, ondorengo dokumentazioa ekarri beharko da:

1. Aipatutako klausulako a) letran adierazitako lehentasunerako, enpresan integratutako langileak egiaztatzen dituen Gizarte Segurantzako TC2 dokumentua, eta hautagaiak sinatutako aitorpena, % 33ko ezintasuna edo handiagoa duten langileen kopurua eta horien NANaren zenbakiak adierazten dituen.
2. Bere lanpostuen % 30etik gora SPKLaren seigarren xedapen gehigarrian jasotako kolektiboetako pertsonekin kontratatzeko konpromiso formala, eta enplegua ugaltzeari eta haren kalitatea hobetzeari begira lan-merkatuaren erreformarako premiazko neurriei buruzko uztailaren 9ko 12/2001 Legearen Bederatzigarren Xedapen Gehigarriari lotuta egotea egiaztatzen duen dokumentazioa.
3. c) letran adierazitako lehentasunerako, erakundea Bidezko Merkataritza gisa aitortuta dagoela egiaztatzen duena.
4. d) letran adierazitako lehentasunerako, dagokion Erregistro Ofizialean inskribatuta egotea.

Eta oro har, gainera, legeria horretan lehentasuna aplikatzeko eskatzen diren baldintzak betetzen dituela egiaztatzen duen dokumentazioa.

7.7.8. Beharrezkotzat jotz gero, enpresak, sekretu tekniko edo komertzialekin lotuta egoteagatik, gutun-azal horretako isilpekotzat jotzen dituen dokumentazioaren informazioak eta alderdiak adierazi ahal izango ditu, VI. eranskinean barne hartutako ereduaren arabera.

7.7.9. Zenbait enpresa lizitazio batera aldi baterako enpresa-elkarte bat osatuz joaten direnean, hori osatzen duen enpresa bakoitzak jarduteko gaitasuna eta kaudimena egiaztatu beharko ditu, aurreko klausuletan ezarritakoari jarraiki, hots, B gutun-azalari dagokion dokumentazioa kide guzti-guztiek ekarri beharko dute, behin-behineko bermea izan ezik, hori elkartean parte hartzen duten enpresa batek edo zenbaitek eratu ahal izango baitute, non eta elkarrekin plegu honen karatularen 18. puntuan eskatutako zenbaterako iristen den, eta aldi baterako elkarteko enpresa guztiak elkartasunez bermatzen diren.





Aldi baterako elkartean lizitatzen dutenek, halaber, proposamen-idatzi bat aurkeztu beharko dute, ondorengoak adierazteko: sinatzen duten enpresen izenak eta inguruabarrak; horietako bakoitzaren partaidetza eta kontratutik sortzen diren eskubideak egikaritzeko eta betebeharrak betetzeko ahalorde askietsiak dituen pertsona fisiko ordezkari edo ahaldunaren izendapena, zenbateko adierazgarriko kobrantzak eta ordainketak egiteko ahalorde mankomunatuak izateari kalterik egin gabe; eta esleipendun gertatuz gero, aldi baterako elkarte gisa formalki eratzeko konpromisoa. Dokumentu hori elkarte osatzen duten enpresa bakoitzaren ordezkariak sinatuta egon beharko du. Kontratua aldi baterako elkarteari esleitzen bazaio baino ez da hori eskritura publiko gisa formalizatu beharko.

7.8. DOKUMENTAZIOA AURKEZTEARI BURUZKO OHAR ARGIGARRIAK

7.8.1. Eskatutako dokumentazioaren jatorrizkoa edo horren kopia Legebiltzar Administrazioak edo notarioak behar bezala konpultsatuta aurkeztu beharko da, behin-behineko bermea eratzeari egiaztatzen duten dokumentuak izan ezik, horiek jatorrizkoak izan beharko baitute beti.

7.8.2. «B» gutun-azalean Europar Batasuneko Estatu ez-espainolek zein gainerako enpresa atzerritarrek aurkeztu beharreko dokumentazioari dagokionez, plegu honen VII. eranskinean xedatutakoari helduko zaio.

7.8.3. Esleipenaren aurka errekursoak jartzeko epeak horrelakorik jarri gabe amaitzen direnean, proposamenekin batera doan dokumentazioa lizitatu dutenen esku geratuko da.

Haatik, esleipenaren irmotasunetik hiru hilabeteko epea igarota, Legebiltzar Administrazioak lizitatu dutenek ekarritako dokumentazioa suntsitzea erabaki ahal izango du, horiek dokumentazioa jasotzen ez dutenean.

7.8.4. Aurkeztutako dokumentazioa Autonomia Erkidegoko bi hizkuntza ofizialetan (euskaraz eta gaztelaniaz) idatzita egon beharko du. Beste hizkuntza batean idatzita badago, dagokion itzulpen ofizialarekin batera joan beharko du.

7.9. ESKAINITAKO EREDUEN AZTERKETA ETA DOKUMENTAZIOA EGIAZTATZEA

Eskaintzen diren eredu guztiek Legebiltzar Administrazioak, hala badagokio, egoki irizten dion azterketaren mende egon beharko dute, eta lizitatuzaileek adierazten zaien lokalera eramateko konpromisoa hartuko dute.





Legebiltzar Administrazioak, esleipenaren aurretik zein ondoren eta kontratuan zehar, gutun-azaletan sartutako dokumentazioaren zinezkotasuna egiaztatu ahal izango du, eta enpresak aurkeztutako datu eta inguruabarren faltsutasuna kontratua suntsiarazteko kausa izango da, hala badagokio, enpresa lizitatzailerari egoztekoa den ez-betetzeagatik; horrela, eraturako behin-behineko bermea galduko du, edo hala badagokio, eratu ez bada edo pleguaren karatularen 18. puntuan hori eratzeko eskatzen ez bada, horren balioaren kalte-ordaina ordainduko du, eta gainera, konfiskatutako bermearen zenbatekoa gainditzen dutenarekiko sortutako kalte-galderen kalte-ordaina emango dio Legebiltzar Administrazioari.

III. JARDUKETEN AZTERKETA ETA NEGOZIAZIOA

8.1. JARDUKETEN AZTERKETA ETA GUTUN-AZALAK IREKITZEA

Aurretiko publizitaterik gabeko negoziatuaren prozeduran, karatularen 33.2 puntuak A gutun-azalarekin B gutun-azala aurkeztuko dela ezarri badu, kontratazio-mahai jarduleak B gutun-azalean aurkeztutako dokumentazioa aztertuko du lehenik, eta aurkeztutako dokumentazioan zuzentzeko akatsak edo ez-egiteak aurkituko balitu, interesdunei jakinaraziko lieke.

Aurrez publizitatea duen prozedura negoziatuan kasu guztietan, eta eskaintzen irekiera publikoa espresuki aurreikusi den publizitaterik gabeko negoziatuan (ikus karatularen 2.2 puntua), iragarkian edo, hala badagokio, gonbitean adierazitako leku, egun eta orduan «A» gutun-azalak (proposamen ekonomikoak) irekitzeari ekingo zaio.

Karatulak esleipen-irizpideen balioespen-fase ezberdinak aurreikusten dituenean, proposamen ekonomikoak ekitaldi publikoan ireki aurretik, onartutako enpresen eskaintza teknikoaren balioespenen emaitzaren berri emango da.

8.2. NEGOZIAZIOA

8.2.1. Aurkeztutako eskaintzak ikusita, kontratazio-mahaiak negoziagarri izateko alderdi batzuk hobetu daitezkeela irizten badiu, kontratua sortze alderako kontsultei eta negoziazioei ekitea adostu ahal izango du.

a) Kontratuaren ondorengo alderdiak negoziatu ahal izango dira, karatularen 38. puntuak negoziaziotik kanpo uzten ez baditu:





Prestazioaren oinarri teknikoaren edo garapen-baldintzen plegua.
Aurrekontua eta prezio unitarioak.
Prezioen berrikuspena, indarrean den legerian ezarritakoa aintzat hartuta.
Betearazpen-epea.
Kontratistari egin beharreko abonuen aldizkakotasuna.
Berme-epea, hala badagokio Legeak ezarritako mugen barruan.

b) Inola ere ez dira negoziatuko plegu honetan agertzen diren kontratuaren baldintza hauek:

Kontratua formalizatu aurretiko betebeharrak.
Kontratua formalizatzea.
Konturako abonua.
Kontratistaren betebeharrak.
Kontratuaren zuzendaritza.
Kontratua lagatzea eta azpikontratazioa.
Kontratua aldatzea.
Likidazioa.
Bermea itzultzea.
Kontratua ez betetzea.
Epeak ez betetzea.

8.2.2. Legebiltzar Administrazioak kontratuaren baldintzen negoziatioa burutuko du enprekin, horren baldintzak finkatzeko askatasun osoarekin.

8.2.3. Administrazioak eta enpresaren hasierako eskaintzak aurkeztutako kontratuaren dokumentuen edukia aldatzen duten negoziatioaren alderdiak jasotzen dituen akta bat sinatu beharko dute Legebiltzar Administrazioak eta enpresak.

8.2.4. Negoziatioaren aldekarreko hausturak ez du kontratu aurretiko inolako erantzukizunik sortuko, beti ere beste aldearen fede onaren aurkako jarrera bat egon ez bada.

IV. KONTRATUAREN ENPRESA ESLEIPENDUNA HAUTATZEA

9.1. Gutun-azalak ireki, dokumentazioa aztertu eta, hala badagokio, negoziatio-prozesua egin ondoren, kontratazio-mahaiak, eratu bada, edo horrelakorik ezean prozedura izapidetzen duen zerbitzuak, esleipen-proposamena egingo du esleipen-irizpide objektiboak aplikatuz, horiek karatularen 32.2 puntuan aurrez finkatu badira; edo aitzitik, hautapena justifikatzen duten arrazoiak adieraziz.





9.2. ESLEIPENeko LEHENTASUNAK

Eskaintzarik abantailatsuena zehaztu ondoren eta behin-behineko esleipen-proposamena egin aurretik, kontratazio-mahaiak esleipen-lehentasunak aplikatuko ditu, beti ere ondorengo baldintzak betetzen direnean:

lizitatuzaileak plegu honen 7.7.7.c) klausulak aipagai duen dokumentazioa ekartzen duen guztietan, ondoren adieraziko diren enpresen proposamenek izango dute lehentasuna esleipenean, beti ere esleipen-irizpide objektiboen ikuspegitik proposamen abantailatsuena berdintzen badute:

- a) Kaudimen teknikoaren egiaztatzeke unean bere plantillan ezintasuna duten langile-portzentaje handiena duen enpresa, portzentaje hori bere plantillaren % 2tik beherakoa ez bada.
- b) Gizarte-bazterkeriako egoeran dauden pertsonak berariaz sustatzen eta lan-munduratzeko jarduten duten enpresak, Lan Merkatuaren Erreformatarako Premiazko Neurriek buruzko uztailaren 9ko 12/2007 Legearen Bederatzigarren Xedapen Gehigarrian araututakoak.
- c) Bidezko Merkataritzarako aukera duten produktuak xede dituzten kontratuetan, Bidezko Merkataritzako Erakunde gisa aitortutako erakundeak.
- d) Gizarte- edo laguntza-izaerako prestazioei buruzko kontratuetan, irabazi-asmorik gabeko erakundeek aurkeztutakoak.

Lehentasuna aplikatzerakoan, ezaugarri bat baino gehiago dituen enpresaren proposamenek izango du lehentasuna. Balizko berdinketak ezarritako lehentasun-ordenaren arabera lehentasuneko esleipen-irizpidean puntuazio hoberena duen eskaintzaren alde ebatziko dira. Eta jarraibide hori ez egotekotan, zozketa bidez.

Aldi baterako enpresa-elkarteen kasuan, lizitatuzaile bakoitzak elkartean duen proportzioaren arabera ezarriko dira lehentasunak.

9.3. PROPOSAMENA JUSTIFIKATZEKO TXOSTENA

Azkenik, kontratazio-mahaiak edo kontratazioa sustatzeko zerbitzuak Eusko Legebiltzarreko Mahaiari aurkeztuko dizkio proposamen horiek beheranzko ordenan sailkatuta, Aktak, ekarritako gainerako dokumentazio teknikoak, esleipen-proposamenarekin eta bidezko deritzon oharrekin batera. Esleipen-proposamenaren aurretik, eskaintzaileei eskaintzen alderdiren bat ulertzeko behar diren argibideak idatziz ematea eskatu ahal izango zaie. Inola ere ez da onartuko argibideen prozesuan lizitatuzaileak eskaintzan adierazitako baldintzak aldatzerik. Hasieran proposatutako irtenbidea analizatzea errazten duen informazioa baino ez da aintzat hartuko.





V. KONTRATUAREN ESLEIPENA

10. KONTRATUAREN BEHIN-BEHINEKO ESLEIPENA

10.1. Eusko Legebiltzarreko Mahaiak abantailatsuena den proposamena aurkeztu duen lizitatuari esleituko dio behin-behinean kontratua, ezarritako esleipen-irizpideak aintzat hartuta.

10.2. Behin-behineko esleipen-ebazpen arrazoitua lizitazioan parte hartu dutenei jakinarazi beharko zaie, eta egunkari ofizial batean edo Eusko Legebiltzarreko kontratugilearen profilean argitaratuko da.


10.3. Behin-behineko esleipena ezingo da behin betiko bihurtu hori egunkari ofizial batean edo Eusko Legebiltzarreko kontratugilearen profilean argitaratzen denetik hamabost egun baliodun igaro aurretik.

10.4. Hamabost eguneko epe horretan, behin-behineko enpresa esleipendunak, SPKLaren 53.2 artikulua araberak, kontratazio-organoak eskatzen dion bere zerga-betebeharrak eta Gizarte Segurantzakoak egunean izatea justifikatzen duen dokumentazioa, eta kontratatze gaitasuna edo kontratuaren betearazpenean erabili edo atxikiko diren baliabideak benetan erabilgarri izatea egiaztatzen duten beste edozein dokumentu aurkeztu beharko du; eta hala badagokio, bidezkoa den bermea ere eratu beharko du.

Zerga-betebeharrak eta Gizarte Segurantzakoak betetzea eragin horretarako dagozkion Ogasunek eta Gizarte Segurantzako Diruzaintza Orokorrek luzatutako ziurtagiri administratiboaren edo administratibo bidez, edo Kontratisten Erregistro Ofizialean indarrean den Ziurtagiriaren bidez egunean izatea egiaztatu beharko da, HAKLEOaren 15. artikulua aurreikusten dituen irismenarekin eta formarekin.

Haatik, enpresa HAKLEOaren 13. artikulua (zerga-betebeharrak) eta 14. artikulua (Gizarte Segurantzako betebeharrak) aipagai dituzten aitortzen edo dokumentuak aurkeztera behartuta ez dagoenean, ardurapeko aitortzen bidez egiaztatuko da inguruabar hori.

10.5. Horretarako beharrezko baldintzak ez betetzeagatik behin-behineko esleipendun gertatu den enpresari kontratua behin betiko esleitzea bidezkoa ez denean, deialdi berri bati ekin aurretik, Eusko Legebiltzarreko Mahaiak enpresa horren ondoren dauden enpresari edo enpresei behin-behineko esleipen bat egin diezaieke, hori egitea litekeena balitz eta esleipendun berriak bere adostasuna





adieraziko balu; kasu horretan, hamar egun balioduneko epea emango zaio aurreko paragrafoan adierazitakoa betetzeko.

10.6. Behin-behineko esleipena ez da bidezkoa izango, proposamenaren barruan ezohiko edo neurriz kanpoko balioak sartzearen ondorioz, Eusko Legebiltzarreko Mahaiak proposamena ezingo dela bete arrazoituta susmatzen duenean.

Kasu horietan, hori aurkeztu duen enpresari entzunaldia eman beharko zaio, eskaintzaren balioespena justifika dezan eta horren baldintzak zehatz ditzan. Prozeduran, dagokion zerbitzuaren aholkularitza teknikoa eskatu beharko da.

Eusko Legebiltzarreko Mahaiak eskaintza ezin beteko dela irizten badio, Legebiltzar Administrazioa gogobetetzeko moduan bete ahal izango dela uste den, eta ezohikotzat edo neurriz kanpokotzat hartzen ez den hurrengo proposamen ekonomiko abantailatsuenaren aldeko behin-behineko esleipena adostuko da.

10.7. Publizitaterik gabeko prozedura negoziatuetan, behin-behineko esleipena egin gabe geratu ahal izango da, eta behin betiko esleipena baino ez da izango, plegu honen 10.3 klausulan aurreikusitako epeari atxiki gabea, nahiz eta enpresa hautatuak zerga-betebeharrak eta Gizarte Segurantzakoak bete izana egiaztatu beharko duen, eta hala badagokio, bidezkoa den bermea ere eratu beharko du.

11. KONTRATUAREN BEHIN BETIKO ESLEIPENA

11.1. Kontratuaren behin-behineko esleipena 10.3 klausulan adierazitako epea amaitu eta hurrengo hamar egun balioduneko epearen barruan bihurtu beharko da behin betiko, beti ere proposatutako enpresak adierazitako dokumentazioa aurkeztu eta behin betiko bermea eratu badu, galdagarria izatekotan, eta horren errekurtso berezi bidezko berrikuspen posibleari kalterik egin gabe, SPKLaren 37. puntuan xedatutakoari jarraiki.

11.2. Kontratuaren esleipena adostu ondoren, lizitazioan parte hartu dutenei jakinaraziko zaie, azaroaren 26ko Herri Administrazioen Araubide Juridikoaren eta Administrazio Prozedura Erkidearen 30/1992 Legean aurreikusitakoari jarraiki.

11.3. Halaber, esleipenei SPKLaren 138. artikuluan aurreikusitako publizitatea egingo zaie.

Eusko Legebiltzarreko Mahaiak isilpeko izaera duen kontratuaren esleipenari buruzko informazio jakin bat ez jakinarazteko eta ez argitaratzeko ahalmena izango du.





VI. KONTRATUA FORMALIZATZEA

12. KONTRATUA FORMALIZATU AURRETIKO BETEBEHARRAK

Behin betiko esleipenaren jakinarazpena jasoaren adierazpena eginda, enpresa esleipendunak, kontratua formalizatzeko hamar egun balioduneko epearen barruan, ondorengo dokumentu hauek ekarri beharko ditu:

12.1. Aldizkari Ofizialetako iragarkien zenbatekoa ordaindu izana egiaztatzea, aintzat hartuta Estatuko Aldizkari Ofizialean eta Euskal Herriko Agintaritzaren Aldizkarian kontratuen iragarkiak behin bakarrik argitaratzea kontratuaren esleipendun gertatu denaren kontura izango dela.

12.2. Zereginak aldi baterako enpresa-elkarte bati esleituko balitzaizkio, elkartearen eraketa eskritura publikoan egiaztatu beharko lukete horiek, kontratua formalizatzeko emandako epearen barruan, eta baita aldi baterako elkarteari esleitutako Identifikazio Fiskaleko Kodea ere.

13. KONTRATUA FORMALIZATZEA

13.1. Kontratua formalizatzeko dokumentua aurreko klausulan adierazitako hamar egun balioduneko epearen barruan emango da, esleipenaren jakinarazpena jasotzearen biharamunetik kontatzen hasita; administrazio-dokumentuaren izaeraz hornituko da, eta HAKLEOaren 71. artikuluan aurreikusi diren aipamenak bete beharko ditu.

13.2. Enpresa kontratugileari egoztekoak diren kausengatik kontratua adierazitako epearen barruan ezin formalizatuko balitz, Legebiltzar Administrazioak hori suntsiaraztea adostu ahal izango du, aurrez nahitaezko entzunaldia izapidetuta.

Kasu horretan, behin-behineko bermea konfiskatzeari eta sortutako kalte-galeren kalte-ordaina emateari ekingo zaio.





VII. KONTRATUA BETEARAZTEA

14. BETEARAZPENAREN ZUZENDARITZA ETA IKUSKAPENA

14.1. Kontratuaren betearazpena Eusko Legebiltzarreko Mahaiaren zuzendaritza, ikuskaritza eta kontrolpean garatuko da, eta Mahaiak hitzartutakoa zehazki betetzeko argibide aproposak eman ahal izango ditu.

14.2. Haatik, aipatutako zeregina kontratuaren Zuzendaritzak egin ahal izango du, eta eskatutako hornidura egiaztatzeko titulazio egokia eta nahikoa duen pertsona arduradun zuzena izango da hori.

Bere zeregina betetzeko, bere agindupeko laguntzaileak eduki ahal izango ditu; horiek euren jarduerak euren lanbide-tituluetatik edo berariazko ezagutzetatik sortutako aginpideen arabera egingo dituzte, eta horniduraren zuzendaritza osatuko dute.

Izendatutako zuzendaritza kontratistari jakinaraziko dio Legebiltzar Administrazioak, kontratua formalizatzen denetik hamabost egun balioduneko epean, eta zuzendaritza horrek berdintsu jokatu du langile laguntzaileekin.

Aldaerak enpresa kontratistari jakinaraziko zaizkio.

15. KONTRATUAREN BETEARAZPENARI BURUZKO ARAU OROKORRAK

15.1. Entregaren ordua eta lekua.

Enpresa kontratista behartutako egongo da plegu honen karatularen 1. puntuan adierazitako ondasunak horren 12. eta 21. puntuetan finkatutako orduan eta lekuan entregatzera, baldintza teknikoei eta administrazio-klausulei jarraiki.

Haatik, kontratuaren betearazpenean zehar, Legebiltzar Administrazioak beretzat gordeko du karatularen 21. puntuan entrega egiteko finkatutako beste leku bat finkatzeko eskubidea, baina beti ere Euskadiko Autonomia Erkidegoaren Lurraldearen barruan.

15.2. Kontratuaren iraupena eta entrega-epeak.

Kontratuaren iraupena edota ondasuna edo ondasunak entregatzeko epeak karatularen 21. puntuan finkatzen direnak izango dira, eta epe horiek hornidura sustatzen duen organoak edo bulegoak enpresa kontratugileari prestazioari ekiteko





agindua ematen dion egunetik zenbatuko dira; hori idatziz edo egintza jasota geratzea ahalbidetzen duen beste edozein bidez egingo da, baina ezingo da kontratua formalizatzeko data baino lehenagokoa izan. Premiazko izapidetze gisa aitortutako espedienteetan, Legebiltzar Administrazioak kontratua betearazteari ekiteko agindu ahal izango du, hori formalizatu ez bada ere, beti ere plegu honen karatularen 18. puntuak aipagai duen behin betiko bermea eratu bada, plegu honen 7.6.2 klausulan ezarritako moduan.

Enpresa kontratistaren berandutzak ez du Legebiltzar Administrazioaren aurretiko larderiarik behar izango.

15.3. Ondasunak ordezteak.

Legebiltzar Administrazioak, esleitutako kontratuaren arabera eta hori betearazteko epean zehar, oinarri teknikoen pleguan eta plegu honetan zehaztu eta aurreikusitako hornidurak lortu ahal izango ditu, lizitatzailleen proposamenetan adierazitako prezioetan, eta eskaintzen diren modeloen eta marken arabera.

Horri dagokionez, enpresak kontratatutako ondasunen baten ordezkotasun hobeak, edo oro har, itundutako baldintzen beste edozein hobekuntza duten beste batzuk jartzea proposatu ahal izango dio Eusko Legebiltzarreko Mahaiari, beti ere kontratuaren xedearen prestazio ezberdinak ez badira.

Legebiltzarreko Mahaiak proposamen horri heltzea egoki baderitzo, aurrez horniduraren organo kudeatzailearen txostena eta kontratazio-mahaiko aholkulari juridikoaren txostena eginda, adostasunez baimendu ahal izango du eta espedienteetan jasota geratuko da hori, baina enpresak ez du inolako konpentsaziorako eskubiderik izango, baizik kontratuan adostutako prezioaren abonurako eskubidea baino ez.

15.4. Jarraikako entregaren zenbatekoa.

Hornidura ondasun ugari jarraika eta prezio unitarioan entregatzea denean, horien zenbatekoa Legebiltzar Administrazioaren premien mende egongo da, eta ez da gutxieneko unitate kopuru bat eskuratzeko betebeharririk izango.

15.5. Instalazioa.

Instalazioa, funtzionamenduan jartzea edo abian jartzea behar duten produktu edo ondasun higigarrien kasuan, enpresa kontratista eragiketa horiek egitera behartuta egongo da, oinarri teknikoen pleguan ezarritakoari jarraiki, eta horren prezioa eskaintako prezioaren barne hartuta egongo da.





15.6. Ondasunak hartzea eta argibideak.

Zuzendaritza kontratatzaileak hornidura benetan hartzen duenean joko da entrega egintzat, kontratuaren baldintzei jarraiki. Nolanahi ere, osorik edo zatika hartzeak Zuzendaritzaren egintza formal eta baikor bat eskatuko du, eta horrek luzatuko duen harrera-aktaren bidez geratuko da jasota. Harreraren egintza formala horren entregaren ondorengoa denean, Legebiltzar Administrazioa hori zaintzeko erantzulea izango da bataren eta bestearen artean dagoen denbora-tartean.

Hornidura kontratatzeko organo eskudunek egoki deritzoten argibideak landu ahal izango dituzte, euren eskumenen esparruaren barruan, betearazpenari, hartzeari, entregaren izapideari, likidazioari eta abonuari dagokienez, beti ere sektore publikoko kontratuak arautzen dituen legerian xedatutakoa eta plegu honen klausulak ezeztatzen ez badituzte.

15.7. Legebiltzar Administrazioaren berandutza harreran.

Arrazoi justifikaturik gabe Legebiltzar Administrazioa hornidura hartzean berandutzen bada, enpresa kontratistak salatu egin beharko du dagozkion eraginak sor ditzan. Kasu horretan, Legebiltzar Administrazioa ondasunak zaintzeko arduraduna izango da entregaren eta harreraren artean dagoen denbora-tartean.

15.8. Galtzeak edo kalteak harreraren aurretik.

Hornidura mota edozein dela ere, esleipendunak ez du kalte-ordainik jasotzeko eskubiderik izango Legebiltzar Administrazioari entregatu aurretik ondasunetan sortutako galtze, matxura edo kalteengatik, hori harreran berandutzen ez bada, behintzat.

15.9. Entrega, garraio eta instalazio gastuak.

Ondasunak adostutako lekuan entregatzeko, garraiatzeko eta instalatzeko gastuak esleipendunaren kontura izango dira eta eskaintzaren barruan sartu beharko dira, plegu honen 7.6.1 klausularen arabera.

15.10. Konfidentzialtasuna.

Kontratuak izaera konfidentziala du eta hornitzaileak ezingo du kontratatutako prestazioen inolako daturik edo informaziorik beretzat edo hirugarrenei emateko erabili Legebiltzar Administrazioaren baimen idatzirik gabe; hortaz, informazioaren





zein egindako lanaren izaera konfidentzialari eta erreserbatuari eusteko eskura dituen bide guztiak jartzera behartuta egongo da.

16. ENPRESA KONTRATISTAREN BESTE BETEBEHAR BATZUK

16.1. Enpresa kontratista lan, Gizarte Segurantzaren eta Laneko Segurtasun eta Osasun arloetan indarrean diren xedapen guztiak eta kontratuaren betearazpenean zehar indarrean jartzen direnak betetzera behartuta egongo da, eta betebeharrorik ez betetzeak ez dio Legebiltzar Administrazioari inolako erantzukizunik ekarriko.

16.2. Enpresa kontratistaren betebeharra izango da hornidura betearazteak eskatzen dituen eragiketen ondorioz sortzen diren kalte-galeren kalte-ordaina ematea, SPKLaren 198. artikuluan xedatutakoari jarraiki.

16.3. Behar diren administrazioko lizentzia edo baimenak lortzea, ondasunak inportatzekoak barne, hala badagokio, esleipendunaren kontura izango dira beti, eta bere izenean eskatu beharko ditu.

16.4. Administrazioak behar diren material guztiak edo zati bat jartzen dituen hornidura-kontratuetan, horiek esleipendunaren zaintzapean jarri direla joko da, eta horiek gordetzera eta itzultzera behartuta egongo da. Ondasun horiek zaintzeari eta galtzeari dagokienez, Kode Zibilean, Merkataritzako Kodean eta Kode Penalean xedatutakoari helduko zaio.

16.5. Kontratua betearazteko hizkuntza-baldintzak. Enpresa esleipendunak bi hizkuntza ofizialetan emango ditu argibide-eskuliburuak edo kontratuaren ondasunen edo produktuen dokumentazioa, softwareen testu- eta audio-interfazeak barne.

Kontratutik sortutako Legebiltzar Administrazioarekiko harremanetan, enpresa kontratistaren errealitate soziolinguistikoak horretarako aukera ematen badu, euskara erabiliko da kontratua betearazteko eraginetarako. Horretarako:

a) Enpresa kontratistak euskararen nahikoa gaitasun duten langileak atxikiko dizkio kontratuaren betearazpenari, Legebiltzar Administrazioarekiko harremana hizkuntza horretan egin ahal izan dadin. Ondorioz, kontratuaren betearazpenari atxikitako langileen eta Legebiltzar Administrazioaren arteko ahozko komunikazioak euskaraz egingo dira batik bat.

b) Komunikazio idatziak euskaraz eta gaztelaniaz idatziko dira, igorleak eta hartzaileak euskaraz egitea hautatzen ez badute.





16.6. Ingurumen edo gizarte motako betearazpen-baldintza bereziak. Karatularen 32. puntuan horrela aurreikusi denean, kontratista esleipendunak karatularen puntu horretan zehaztuta dauden gizarte edo ingurumen motako baldintza bereziak aplikatuko ditu kontratuaren betearazpenean.

17. SANEAMENDUKO BETEBEHARRA

17.1. Enpresa kontratistak entregatu beharreko ondasunek Estatuko, Autonomia Erkidegoko edo Tokiko Administrazioek horietarako emandako arau orokor guztiak bete beharko dituzte, dagokion oinarri teknikoen pleguan ezarri ahal izan diren berariazko arabei kalterik egin gabe.

17.2. Enpresa kontratista hirugarren batek jabetza intelektual, industrial eta komertzialari buruz egiten dituen erreklamazio guztien arduraduna izango da, eta erreklamazioak jartzeagatik sor daitezkeen kalte-galera guztien kalte-ordaina eman beharko dio Legebiltzar Administrazioari, horietatik sortutako gastu guztiak barne.

Fabrikazio-horniduraren kasuan, ustiapen ekonomikoa izan dezaketen jabetza industrial eta intelektualeko eskubideak Legebiltzar Administrazioarenak izango dira, kontratuan, karatulan edo pleguetan horren aurkakorik espresuki aurreikusten ez bada.

17.3. Enpresa kontratista hornitutako ondasunen kalitatearen eta sor litezkeen akatsen erantzule izango da. Antzematen diren akatsak Administrazioaren zuzeneko agindu baten edo horrek ezarritako baldintzen ondorio zuzena direnean baino ez da erantzukizunetatik salbuetsita geratuko.

18. LEGEBILTZAR ADMINISTRAZIOAREN AHALMENA

Zuzendaritza kontratatzaileak, eskatzen duenean, kontratuaren ondorioz entregatu behar den produktua fabrikatzeko edo lantzeko prozesua ikuskatzeko edo horretaz informatzeko ahalmena du, eta hitzartutakoa zehazki betetzeko bere kabuz erabiliko diren materialen analisiak, saiakuntzak eta probak egin, kalitate-kontrolak ezarri eta egoki deritzon xedapen guztiak eman ahal izango ditu.





19. ABONUAK ENPRESA KONTRATISTARI

19.1. Enpresa kontratistak egiaz entregatutako eta Legebiltzar Administrazioak formalki hartutako horniduren prezioaren abonurako eskubidea izango du, kontratuan ezarritako baldintzen arabera.

19.2. Egindako horniduraren zenbatekoa kontratua osorik edo zatika egin izana egiaztatzen duten dokumentuen bidez egingo da: plegu honen karatulan adostu den aldizkakotasunaren fakturak, minutak, etab., SPKLaren 200. artikulua ematen dien izaerarekin.

19.3. Plegu honen karatularen 15. puntuan horrela ezartzen denean, kontratuaren xedean barne hartutako kontratuaren betearazpena prestatzeko eragiketen zenbatekoaren konturako abonua egiaztatu ahal izango dira, enpresa kontratistak aurrez idatziz eskatuta; fabrikazio-horniduraren kasuan, HAKLEOaren 155. eta 157. arteko artikuluetan ezarritako baldintzak eta formak bete beharko dira, eta gainerakoetan, 1972ko martxoaren 8ko Aginduak onartzen duen Administrazio-klausula orokorren pleguaren 39. artikuluan ezarritakoak.

19.4. Plegu honen karatularen 10.2 puntuan horrela aurreikusten denean, horniduraren zatikako ordainketa egingo da, kontratuaren xede diren mota bereko ondasunak entregatuz.

Entregatu beharreko ondasunen balioespenaren zenbatekoa aipatutako karatularen 10.2 puntuan kontsignatutakoa da, eta inola ere ez du kontratuaren guztizko prezioaren % 50a gaindituko.

19.5. Legebiltzar Administrazioak ordainketa bi hilabetetik gorako epean berandutzen badu, enpresa kontratistari berandutza-interesak eta kobrantza-kostuen kalte-ordaina abonatu beharko dizkio, merkataritza-eragiketetan berankortasunaren aurka egiteko neurriak ezartzen dituen Legean aurreikusitako baldintzetan.

19.6. Dagokion kontratua formalizatu arte ezingo da inolako ordainketarik egin.

20. KONTRATUA ALDATZEA ETA ETETEA

20.1. Legebiltzar Administrazioak kontratua aldatu ahal izango du, hori egiteko unean premia berrien edo aurreikusi gabeko kausen ondorioz, eta SPKLaren 202. eta 272. artikuluetan ezarritakoa aplikatzeko izango da.





20.2. Legebiltzar Administrazioak ezingo ditu enpresa kontratistarekin kontratuaren xede diren prestazio ezberdinak negoziatu. Horiek beharrezkotzat jotzen dituenen, kontratu independentearen xedetzat hartuko dira, eta beraz, Sektore Publikoko Kontratuak arautzen dituen legerian aurreikusitako izapideak beteko dira.

20.3. Kontratuaren aldaketak SPKLaren 140. artikuluan xedatutakoari jarraiki egin beharko dira.

20.4. Suntsiarazpen-kausa izango dira, bakarka zein batera, kontratuaren hasierako prezioaren % 20tik gorako edo beherako zenbatekoa gainditzen duten kontratuaren aldaketak, balio erantsiaren zerga kanpo utzita, edo hasierako prestazioaren aldaketa nabarmena ekartzen duten aldaketak.

20.5. Kontratua eteteari dagokionez, SPKLaren 202. artikuluan adierazitakoari helduko zaio.

21. KONTRATUA LAGATZEA ETA AZPIKONTRATAZIOA

21.1. Arlo honetan SPKLaren 209. eta 210. artikuluetan aurreikusitakoari helduko zaio, eta pleguaren karatulak zehazten duenaren arabera.

21.2. Pleguaren karatulak azpikontratazioa debekatzen ez badu, eta kontratu jakin batzuei buruzko berariazko eskakizunei kalterik egin gabe, enpresa kontratistak ondorengo baldintzak orokorrean egiaztatzeko betebeharra izango du:

21.2.1. Kontratuaren zatikako betearazpena eta azpikontratatzeko diren kontratuaren zatiak zer azpikontratistekin itunduko dituen, SPKLaren 210. artikuluan 2.a) atalean eta pleguaren karatulan xedatutakoari jarraiki.

21.2.2. Kontratatzeko gaitasunik ez duten pertsonak kontratatzeke debekuari buruzko SPKLaren 210. artikuluan ezarritako baldintza betetzea, antolamendu juridikoaren arabera, edo 49. artikuluko kasuren batean barne hartutakoak, aipatutako legearen «K» letra izan ezik, edo sailkapenak etenda daudenak.

21.2.3. Enpresa kontratistak azpikontratistarekin edo hornitzaileekin itundutako prezioa SPKLaren 211. artikuluan aurreikusitako epe eta baldintzetan ituntzeko betebeharra betetzea.

21.3. Baldintza horien egiaztapena esleipendunak ondorengo dokumentuak aurkeztuta egingo da:





21.3.1. Azpikontratazioa egin aurretiko komunikazioa idatzia, kontratuaren zatikako betearazpena eta azpikontratatzeko diren kontratuaren zatiak itunduko dituen azpikontratatista zerrendatuta.

21.3.2. Komunikazio horri azpikontratista eta hornitzaile bakoitzarekin sinatu beharreko aldebiko dokumentu baten zirriborroa gaineratuko zaio, non biek SPKLaren 211. artikuluan adostu edo jasotakoa betetzen dituzten ordaintzeko epeak eta baldintzak ituntzen dituzten.

21.3.3. 21.3.1 puntuan aipatutako komunikazioari, halaber, ondorengo egiaztagiria erantsiko zaizkio:

a) Azpikontratatista SPKLaren 49. artikuluan eta aurreko 21.2.2 klausulan adierazitako baldintzetan ezarritako kontratatatzeko inolako debekutan hutsik ez egin izanaren egiaztagiria. Egiaztagiri hori lekukotza judizial edo administrazio-ziurtagiri bidez egin ahal izango da kasuen arabera, eta agintaritza eskudunak dokumentu hori ezin luzatu duenean, administrazio-agintaritza, notario publiko edo lanbide-erakunde kualifikatu baten aurrean emandako ardurapeko aitormen batekin (V. eranskina) ordezkatu ahal izango da. Kasu horretan, pertsona juridikoak badira, enpresa Administrazioaren aurrean ordezkatzeko egiaztatzen duen sinatzen duenaren ahalordea aurkeztu beharko da, eta pertsona fisikoa bada, Nortasun Agiri Nazionala.

b) Zerga-betebeharrak eta Gizarte Segurantzakoak betetzeari dagokionez, eragin horretarako dagozkion Ogasunek eta Gizarte Segurantzako Diruzaintza Orokorrek luzatutako egiaztagiri administratiboaren edo administratiboen bidez, edo Kontratatisten Erregistro Ofizialean indarrean den Ziurtagiriaren bidez egunean izatea egiaztatu beharko dute azpikontratatistek, HAKLEOaren 15. artikulua aurreikusten dituen irismenarekin eta formarekin; hala ere, Jarduera Ekonomikoen Zergari dagokionez, alta aurkeztu beharko da, eta hala badagokio, dagokion azken ordainagiria.

c) Otsailaren 3ko Kontratatisten Erregistro Ofizialari eta sailkapenaren ezarpenari buruzko 12/1998 Dekretuak araututako Kontratatisten Erregistro Ofizialean kontratatatzeko gaitasuna egiaztatzeko prozedura baten bidez inskribatuta dauden azpikontratatistek Erregistroko Abokatu arduradunak luzatutako indarreko ziurtagiriaren kopia baino ez dute aurkeztu beharko. Horrela, aurreko a) eta b) puntuetan adierazitako dokumentuak eta inguruabarrak aurkeztetik eta egiaztatzetik salbuetsita egongo dira.





21.4. 21.3 klausulan aipatutako dokumentuak azpikontratazioa egin behar den data baino hamabost egun baliodun lehenago aurkeztu beharko dizkio gutxienez esleipendunak Eusko Legebiltzarreko Mahaiari, eta hori egin ondoren, 21.3.2 klausulan aipatutako aldeko dokumentuaren jatorrizko bat, behar bezala sinatuta, aurkeztuko dio esleipendunak Eusko Legebiltzarreko Mahaiari. Esleipendunak betebehar hori beteko ez balu edo ezarritako baldintzak beteko ez balira, azpikontratazio hori ezin egingo litzateke.

VIII. KONTRATUA AMAITZEA

22. HORNIDURA HARTZEA

22.1. Kontratua enpresak betetzat joko da enpresa horrek, kontratuaren baldintzen arabera eta Legebiltzar Administrazioa gogobeteta, kontratuaren xedea osorik betetzen duenean.

22.2. Hori egiaztatzeko, Legebiltzar Administrazioak harrerako edo adostasuneko egintza formal eta baikor bat egingo du kontratuaren xedea entregatu edo burutzen den hurrengo hilabetearen barruan.

22.3. Enpresa kontratistak, berak edo baimendutako ordezkariaren bidez, horniduraren ondasunak kontratuan itundutako lekuan eta datan entregatu beharko ditu. Enpresa kontratistaren berandutzak ez du Legebiltzar Administrazioaren aurretiko larderiarik behar.

22.4. Aurkako itunik ezean, horniduraren ondasunak adostutako lekuan entregatzeko eta garraiatzeko gastuak enpresa kontratistaren kontura izango dira.

22.5. Ondasunak hartzeko egoeran ez badaude, harrera-aktan horrela jasoko da eta argibide zehatzak emango zaizkio enpresa kontratistari antzemandako akatsak zuzen ditzan, edo itundutakoaren arabera hornidura berri bati ekin diezaion.

23. BERME-EPEA

23.1. Berme-epa plegu honen karatularen 30.2 puntuan ezartzen dena izango da, hornidura hartzeko egintzatik kontatzen hasita. Epe hori Legebiltzar Administrazioaren objekziorik gabe igarota, enpresa kontratistaren erantzukizuna iraungi egingo da.





23.2. Berme-epean zehar, enpresa kontratistak hornitutako ondasunen aplikazioari buruz ezagutu eta entzuna izateko eskubidea izango du.

23.3. Berme-epean zehar hornitutako ondasunetan akatsak edo bizioak daudela egiaztatuko balitz, enpresa kontratista behartuta egongo litzateke, Legebiltzar Administrazioaren aukeran, ezegokiak direnak birjartzera, edo nahikoa balitz, horiek konpontzera.

23.4. Hornitzaileak bere kontura egin beharko ditu berme-epean detektatzen diren beharrezko aldaketak edota konponketak, agindu teknikoen pleguan jasotako balioak betetzea lortu arte.

23.5. Berme-epean zehar Eusko Legebiltzarreko Mahaiak, ondasunetan enpresa kontratistari egotz dakizkiokeen aurkitutako akats edo bizioen ondorioz emandako ondasunak nahi den xederako egokiak ez direla, eta ondasun horien birjarpena edo konponketa xede hori lortzeko nahikoa ez dela iritziko balio, epe hori agortu aurretik ondasunei uko egin liezaieke eta enpresa kontratistaren esku utz litzake, eta Legebiltzar Administrazioa salbuetsita geratuko litzateke ordaintzeko betebeharretik, edo hala balegokio, ordaindutako prezioa berreskuratzeko eskubidea izango luke.

23.6. Berme-epea Legebiltzar Administrazioak aurreko ataletan aipatutako konponketak edo salaketak egin gabe igarota, enpresa kontratista emandako ondasunen erantzukizunetatik salbuetsita geratuko da.

24. KONTRATUAREN LIKIDAZIOA

Harrera-aktaren datatik hilabeteko epean, kontratuari dagokion likidazioa adostu eta enpresa kontratistari jakinarazi beharko zaio, eta hala badagokio, ondoriozko saldoa abonatu zaio. Likidazio-saldoaren ordainketan berandutza gertatuko balitz, enpresa kontratistak berandutza-interesak eta kobrantza-kostuen kalte-ordaina jasotzeko eskubidea izango luke, merkataritza-eragiketetan berankortasunaren aurka egiteko neurriak ezartzen dituen Legean aurreikusitako baldintzetan.

25. KONTRATUAREN AMAIERA

25.1. Betetzeagatik edo suntsiarazpenagatik amaituko da kontratua.

25.2. Kontratua suntsiarazteko kausak dira plegu honetan eta SPKLaren 206. eta 275. artikuluetan berariaz aurreikusten direnak.





Eragin horietarako, suntsiarazpen-kausa izango da enpresa kontratistak plegu honetan agindu-izaerarekin ezarritako funtsezko edozein betebeharrak ez betetzea.

25.3. Suntsiarazpenaren eraginak SPKLaren 206. eta 276. artikuluetan ezarritakoaren arabera zehaztuko dira.

26. BERMEA ITZULTZEA

Eusko Legebiltzarreko Mahaiak bermea itzultzeko edo deuseztatzeko akordioa emango du plegu honen karatularen 30.2 puntuan kontsignatutako berme-epearen mugaguna gertatu, kontratua likidatu eta hori gogobetetasunez bete ondoren.

Kontratua amaitu eta harrera formala eta likidazioa enpresa kontratistari ezin egotzi zaion kausagatik burutu gabe urtebete igarota, bermea itzultzeari edo deuseztatzeari ekingo zaio berandutzarik gabe, beti ere SPKLaren 88. artikulua aipagai dituen erantzukizunak gertatu ez badira.

27. EPEAK EZ BETETZEA

27.1. Enpresa kontratistak, berari egotz dakizkikeen kausengatik, pleguaren karatularen 12.1 puntuan ezarritako zatikako epeak betetzeari dagokion berandutza-akatsa egingo balu, edo horiek betetzeko berandutzak epe osoa betetzea ezinezkoa dela arrazionalki susmarazten duenean, edo hori bete gabe geratuko balitz, Eusko Legebiltzarreko Mahaiak kontratuaren suntsiarazpena eta bermearen galera, edo SPKLaren 196.4 artikuluan ezarritako zigorrak jartzea, edo horien ezberdinak eta plegu honen karatularen 26. atalean agertzen direnak jartzea aukeratu ahal izango du bereizi gabe.

Aintzat hartu behar da SPKLaren 196.4 artikuluen 4. paragrafoa aplikatuz, zigor ezberdinak egon litezkeela, plegu honen karatularen 26. atalean horrela agertzen bada.

27.2. Berandutzagatiko zigorrak kontratuaren prezioarekiko % 5eko multiplo batera iristen direnean, Legebiltzarreko Mahaiak kontratua suntsiarazteko edo zigor berriak ezarri betearazteko ahalmena izango du.

27.3. Aurreko kasuetan, Eusko Legebiltzarreko Mahaiak kontratua suntsiarazteko hautua egiten duenean, Herri Administrazioen Kontratuen Legearen





Erregelamendu Orokorraren 109. artikuluan araututako prozeduraren bidez adostuko du organo horrek.

IX. ERREKURTSOAK. ADMINISTRAZIOAREN ESKUMENAK ETA JURISDIKZIO ESKUDUNA

28. KONTRATAZIOAREN ARLOKO BALIABIDE BEREZIA

28.1. Erregulazio adostupeko kontratuetan, behin-behineko esleipen-akordioen, lizitazioa arautzeko pleguen, prestazioaren ezaugarriak ezartzen dituzten egintzen, eta aurretiko prozeduran hartutako izapide-egintzen aurka jarri ahal izango da errekurtsu berezia, beti ere azken horiek esleipenari buruz zuzenean edo zeharka erabakitzen badute, prozedura jarraitzeko ezintasuna zehazten badute, edo babesgabetasuna edo interes legitimoetarako eskubideei kalte konponezina sortzen badiete.

28.2. Kontratazio-arloko errekurtsu berezia, SPKLaren 37. artikuluan arautua, administrazioarekiko auzi-errekurtsua jarri aurretikoa izango da, eta horren esparruan administrazioarekiko errekurtsu arruntak jartzea ez da bidezkoa izango.

28.3. Erregulazio adostupekoak ez diren kontratuetan, bidezkoak izango diren administrazioarekiko auziak Herri Administrazioen Araubide Juridikoaren eta Administrazio Prozedura Erkidearen 30/1992 Legean aurreikusitakoak izango dira.

29. ESKUMENAK ETA JURISDIKZIO ESKUDUNA

29.1. Eusko Legebiltzarreko Mahaiak administrazio-kontratua interpretatzeko, horren betearazpenak sortzen dituen zalantzak argitzeko, herri-intereseko arrazoiengatik aldatzeko, suntsiarazteko eta horren eraginak zehazteko eskumena izango du, Sektore Publikoko Kontratuen Legean ezarritako baldintzen eta eraginaren mugen barruan eta horiei lotuta.

29.2. Eragin horretarako emandako akordioak enpresa kontratistaren entzunaldia eginda eta bidezkoak diren txostenak egin aurretik hartuko dira, eta administrazio-bidea amaituko dute eta berehala izango dira betearazleak, indarrean den legerian ezarritako baldintzak betez.

29.3. Administrazio-bidea amaitzen duten akordio guztien aurka administrazioarekiko auzi-errekurtsua jarri ahal izango da, Administrazioarekiko Auzietarako Jurisdikzioa arautzen duen Legean xedatutakoari jarraiki. Aukerabidez,





Administrazio Prozedura Erkidearen Legeari jarraiki, berraztertze-errekurtoa jarri ahal izango da eman dituen organo beraren aurrean.





PLEGUAREN I. ERANSKINA

PARTE HARTZEKO ESKAERAREN EREDUA

(Karatularen 4. puntuak prozedurak aurretiko publizitatea duela adierazten badu baino ez da aurkeztu behar)

..... jn./and., helbidea(e)n,
..... kalean eta NAN duenak, bere izenean /
..... enpresaren ordezkartzan, helbidea(e)n,
..... kalean, KP tel. eta
..... IFK dituenak

ADIERAZTEN DUT:

I. xedea duen kontratuaren esleipenerako iragarkiaren jakinarekin gainean nagoela.

II. Agindu teknikoaren plegua, administrazio-klausula partikularren plegua eta kontratu hau zuzentzen duen gainerako dokumentazioa ere ezagutzen ditudala, eta osotasunean, inolako salbuespenik gabe neure egiten ditudala eta men egiten diedala.

III. Ordezkatzen dudako enpresak indarrean den araudiak eskatzen dituen zabalteko, instalatzeko eta funtzionatzeko baldintza eta betebeharrak guztiak betetzen dituela.

IV. Erreferentziako kontratazioari dagokionez, eskaintza egiteko onar dezatela eskatzen duela, eta eragin horretarako administrazio-klausula partikularren pleguaren 7.7 klausulan eta horren karatularen 34. puntuan eskatzen den dokumentazioa erantsi dudala.

.....(e)n,koaren(e)an

Sin.:
NAN:





PLEGUAREN II. ERANSKINA

PROPOSAMEN EKONOMIKOAREN EREDUA

Ba al dago eredu honi erantsita bete eta sinatu behar den eranskinik (bai/ez)? EZ

..... jn./and., helbidea(e)n,
..... kalean eta NAN duenak, bere izenean /
..... enpresaren ordezkartzan, helbidea(e)n,
..... kalean,
..... KP tel. eta IFK dituenak

ADIERAZTEN DUT:

I. xedea duen kontratuaren esleipenerako iragarkiaren jakinaren gainean nagoela.

II. Agindu teknikoen plegua, administrazio-klausula partikularren plegua eta kontratu hau zuzentzen duen gainerako dokumentazioa ere ezagutzen ditudala, eta osotasunean, inolako salbuespenik gabe neure egiten ditudala eta men egiten diedala.

III. Ordezkatzen dudan enpresak indarrean den araudiak eskatzen dituen zabaltzeko, instalatzeko eta funtzionatzeko baldintza eta betebeharrak guztiak betetzen dituela.

IV. Eskaintza honen prestazioari dagokionez, oinarrizko irtenbidea/..... zk. (zehaztu dagokiona) aldaeraren arabera egitea proposatzen dut, guztira (*) euroko zenbatekoaz (**) (letraz adierazi behar da), eskainitako prezioan kontzeptu guztiak barne daudelarik, Balio Erantsiaren gaineko Zerga (BEZ) eta eragiketa karga dezakeen beste edozein zerga edo gastu, joan-etorrien gastuak eta kontratistaren industria-mozkina barne, eta epean (*epea esleitzeko irizpidea denean soilik*)

Eskainitako guztizko zenbatekoan jasanarazi behar den BEZari dagokion (***) euroko zenbatekoa barne hartuta dago.

.....(e)n,koaren(e)an

Sin.:
NAN:





() Kontratuaren xedea jarraikako prestazioak eta prezio unitarioan denean, ez da atal hau bete behar, baina proposamen ekonomikoaren dokumentu hau eta eredu honi erantsitako eranskina, bai.*

*(**) Loteen kasuan, zehaztu zeinetara lizitatzen den, eta adierazi horietako bakoitzaren truke eskainitako guztizko zenbatekoa, zenbateko horretan barne hartutako BEZari dagokion zenbatekoa adierazita.*

*(***) Salbuespen objektiboaren kasuan, hori egiaztatzen duen dokumentazioa adierazi eta erantsi beharko da.*





PLEGUAREN III. ERANSKINA

**KONTRATATZEKO DEBEKUAN HUTS EGIN EZ IZANARI BURUZKO ARDURAPEKO
AITORPENA**

..... in./and., helbidea(e)n,
..... kalean eta NAN duenak, bere izenean /
..... enpresaren ordezkartzan, helbidea(e)n,
..... kalean, KP tel. eta
..... IFK dituenak

Espedienteari dagokionez.(*)

ADIERAZTEN DU:

Ez berak, ez ordezkatzeko duen enpresak, ez horren inolako administratzailek edo ordezkariarik ez duela urriaren 30eko Sektore Publikoko Kontratuen 30/2007 Legean adierazitako Herri Administrazioekin kontratatzeke inolako debekutan hutsik egin.

Halaber, aipatutako enpresak indarrean diren xedapenek ezarritako zerga-betebeharrak eta Gizarte Segurantzakoak egunean dituela adierazten du, eta behin-behineko esleipendun gertatuz gero, baldintza horri dagokion ziurtagiria gehienez 15 egun balioduneko epean aurkezteko konpromisoa hartzen du.

Eta jasota gera dadin, aitopen hau sinatu du,(en),ko
.....aren(e)an

Sinadura

() Administrazio-klausula partikularren pleguaren karatularen 3. puntuan agertzen den espedientearen zenbakia adierazi.*





PLEGUAREN IV. ERANSKINA

ENPRESAK EMANDAKO INFORMAZIOAK ISILPEKO GISA IZENDATZEKO EREDUA

..... jn./and., helbidea(e)n,
..... kalean eta NAN duenak, bere izenean /
..... enpresaren ordezkarietan, helbidea(e)n,
..... kalean, KP tel. eta
..... IFK dituenak

ADIERAZTEN DUT:

(*)..... zenbakia duen kontratazio-espeditatearen gutun-azalean (*adierazi zer gutun-azalez ari den*) ekarritako dokumentazioari dagokionez, sekretu tekniko edo komertzialekin lotuta egoteagatik, isilpekotzat jotzen dira ondorengo informazioak eta alderdiak:

.....(e)n,koaren(e)an

Sin.:
NAN:

(*) *Administrazio-klausula partikularren pleguaren karatularen 3. puntuan agertzen den espeditatearen zenbakia adierazi.*





PLEGUAREN V. ERANSKINA

ENPRESA ATZERRITARREK EKARRI BEHAR DUTEN DOKUMENTAZIOA

Europar Batasuneko enpresa ez-espainolek, ondorengo dokumentazioa ekarri beharko dute «B» gutun-azalean:

1. Enpresek lanbide-erregistro batean izena emanda edo HAKLEOaren I. eranskinean adierazten diren ziurtagiriak aurkeztuta egiaztatu beharko dute euren jarduteko gaitasuna.

2. Lizitatzen duenak bere izenean jarduten ez badu edo pertsona juridikoa denean, ahalorde askietsia ekarri beharko du, eta modu ofizialean gaztelaniara edo euskarara itzuli beharko da, halaber.

3. Kontratutik zuzenean edo zeharka sor litezkeen gertaera guztietarako, edozein mailatako Auzitegi eta Epaitegi espainolen jurisdikzioaren mende jartzeko aitortpena, lizitatzen duenari, hala badagokio, egokituko litzaiokeen atzerriko jurisdikzio-barrutiari espresuki uko eginda.

4. SPKLaren 49. artikuluan adierazitako inolako inguruabarretan hutsik ez egin izanaren egiaztagiria.

Egiaztagiri hori lekukotza judizial edo administrazio-ziurtagiri bidez egin ahal izango da kasuen arabera, eta agintaritza eskudunak dokumentu hori ezin luzatu duenean, administrazio-agintaritza, notario publiko edo lanbide-erakunde kualifikatu baten aurrean emandako ardurapeko aitormen batekin (V. eranskina) ordezkatu ahal izango da. Dagokion Estatuko legerian aukera hori aurreikusita dagoenean, agintaritza judizial batek emandako ardurapeko aitortpen batekin ere ordezkatu ahal izango da.

5. Estatu kideak luzatutako ziurtagiria, ofizialki gaztelaniara edo euskarara itzulita, enpresak bere zerga-betebeharrak eta Gizarte Segurantzako kotizazioak eguneratuta dituela ziurtatzen duena, botere esleitzailaren Estatuko legezko xedapenen arabera.

6. Sailkapena eskatzen bada, Europar Batasuneko Estatu ez-espainolentzat nahikoa izango da Eusko Legebiltzarreko Mahaiaren aurrean euren kaudimen ekonomiko eta finantzarioa eta kaudimen teknikoa egiaztatzea, plegu honen karatularen 33.1 puntuan eskatutakoari eta SPKLaren 64. eta 66. artikuluei jarraiki.





Europar Batasuneko Estatu kideek euren enpresa propioen alde luzatu dituzten sailkapen-ziurtagiriak edo antzeko dokumentuak gaitasun-presuntzioa dira kontratazio-organoen aurrean, SPKLaren 64.1 artikularen b) eta c) letrei, 65. artikularen a) letrari, eta 49. artikularen a) b) c) d) eta f) letrei dagokienez.

7. Lizitatzen duenak, hala badagokio, plegu honen karatularen 18.1 puntuan eskatzen den behin-behineko bermea jarri beharko du, kontratuaren aurrekontuaren % 3rainoko zenbatekoaz, eta plegu honen 7.6.2 klausulan adierazten den moduan eratuko da.

8. Europar Batasuneko Estatuak ez diren enpresa atzerritarrek, aurreko ataletan azaldutako baldintzez gain, ondorengoa egiaztatu beharko dute:

a) Jarduteko gaitasuna, dagokion Diplomaziako Misio Iraunkor espainolak edo enpresaren helbideko Espainiako Kontsuletzeko Bulegoak luzatutako txostenaren bidez, enpresak aurrez egiaztatuta tokiko, lanbideko, merkataritzako edo antzeko Erregistroan inskribatuta daudela, edo horrelakorik ezean, kontratuaren xedeak hartzen dituen jardueren esparruko tokiko trafikoan ohikotasunez jarduten dutela jasotzen duena, Europako Esparru Ekonomikoari buruzko Itunaren Estatu sinatzaileak izan ezik; kasu horretan, eranskin honen 1. puntuan aurreikusitakoaren arabera egiaztatuko da horien jarduteko gaitasuna.

b) Horien jatorriko Estatuak Administrazioarekiko kontratazioan enpresa espainolek antzeko modu nabarmenean parte hartzea onartzen badu, edo Munduko Merkataritza Antolakundearen Kontratazio Publikoaren Itunaren sinatzailea bada. Baldintza hori dagokion Diplomaziako Misio Iraunkor espainolaren txostenaren bidez justifikatuko da.

c) Dokumentuen bidez, Espainian helbidea duen bulego bat irekita duela eta horren ahalduak edo ordezkariak izenez izendatu dituela euren eragiketarako.

d) Merkataritzako Erregistroan inskribatuta dagoela, aurreko paragrafoan aipatutako ahalordeak bezala.

Kontratuaren zenbatekoa, Balio Erantsiaren gaineko Zerga kanpo utzita, SPKLaren 15. artikuluan agertzen den zifraren berdina edo handiagoa bada, ez da Munduko Merkataritza Antolakundearen Kontratazio Publikoaren Itunaren Estatu sinatzaileetako enpresei buruzko b) atalak aipatzen duen elkarrekotasun-txostena eskatuko.

